



საქართველოს
სახალხო დამცველი

საქართველოს სახალხო დამცველის საინფორმაციო ბიულეტენი

№ 4

პერიოდული გამოცემა
2016 წ. აპრილი



გამოცემულია ევროკავშირის პროექტის
„საქართველოს სახალხო დამცველის
აპარატის ხელშეწყობა“ მხარდაჭერით

1. სახალხო დამცველის მისალმება



საქართველოს სახალხო დამცველი
უკა ნაშაშვილი

აპრილის განსაკუთრებულ მოვლენათა შორის მინდა **საერთაშორისო მრჩეველთა საბჭოს წევრთა ვიზიტი** გამოვყო. მრჩეველთა საბჭოს შექმნა ჩვენი 2013 წლის სამოქმედო სტრატეგიული გეგმის ნაწილი იყო. საბჭოს მიზანია დაეხმაროს სახალხო დამცველს ადამიანის უფლებათა დაცვის სფეროში პრიორიტეტებისა და პერსპექტივების განსაზღვრა-განხორციელებაში.

ნორვეგიის, ჰელსინკის კომიტეტის მრჩეველი ოგე ბორჩგრევიჩი და კონფლიქტებისა და თანამშრომლობის ექსპერტი იორგენ იოჰანსენი უკვე მესამედ ჩამოვიდნენ, ნელს პირველად მოახერხა ჩამოსვლა გაეროს სპეციალურმა მომხსენებელმა მშვიდობიანი შეკრებისა და გაერთიანების თავისუფლების უფლების საკითხებში მაინა კიაიმ, ხოლო მრჩეველის სტატუსით პირველად გვეწვია დამოუკიდებელი ექსპერტი ევა პასტრანა.

შეხვედრებისას მოკლედ მიმოვიხილეთ გასული წლის საქმიანობა, მათ მიერ შემუშავებული რეკომენდაციების შესრულების მდგომარეობა, 2015 წელს ადამიანის უფლებათა და ძირითად თავისუფლებათა კუთხით გამოვლენილი ტენდენციები, ვისაუბრეთ სახალხო დამცველის მანდატის გაფართოვების შედეგად აპარატში განხორციელებულ სტრუქტურულ ცვლილებებზე.

მიხარია, რომ საერთაშორისო ექსპერტებმა დადებითად შეაფასეს ჩვენი მუშაობა და სასარგებლო რჩევებიც მოგვცეს. ასევე შეიმუშავეს წერილი პარლამენტისა და მთავრობისადმი, რო-

შინაინი:

1. სახალხო დამცველის მისალმება	1
2. სახალხო დამცველის საჯარო განცხადებაები	3
3. სახალხო დამცველის და სახალხო დამცველის მონაწილეობის შეხვედრები და საერთაშორისო ვიზიტები	4
4. სახალხო დამცველის რეკომენდაციები და წინადადებები სახალხში ხელისუფლებისა და აღმოსავლეთში თვითმმართველობის ორგანოებს	6
5. სახალხო დამცველისა და სახალხო დამცველის აპარატის საქმიანობა	7
რეგიონული დეპარტამენტის პერიოდული საქმიანობა	10
სამოქალაქო განათლების მიზნით ჩატარებული ღონისძიებები	12
6. წარმატებული საქმეები	12
7. ღირსშესანიშნავი თარიღები	12
8. საერთაშორისო სინალაზები ადამიანის უფლებათა დაცვის კუთხით	14
9. სახალხო დამცველის აპარატის აზრები	15

მელშიც სხვა მნიშვნელოვან საკითხებთან ერთად, ერთ-ერთი მთავარი რეკომენდაცია სახალხო დამცველის ოფისის სათანადო შენობით უზრუნველყოფაა.



საერთაშორისო მრჩეველთა საბჭოს მონაწილეობით ჩავატარეთ ჩვენი ტრადიციული საჯარო დებატები თემაზე – **შეკრებისა და გაერთიანების თავისუფლება – მიღწევები და გამოწვევები**. ღონისძიებაზე მაინა კიას 2012 წლის 8 ივნისის ანგარიშში ასახული რეკომენდაციების შესრულების მდგომარეობა განვიხილეთ.

უნდა აღინიშნოს, რომ გაერთიანების თავისუფლებასთან დაკავშირებით, საქართველოს ხელისუფლებამ რეკომენდაციათა ნაწილი გაითვალისწინა; კერძოდ, „მოქალაქეთა პოლიტიკური გაერთიანებების შესახებ“ საქართველოს ორგანულ კანონში და „სახელმწიფო აუდიტის სამსახურის შესახებ“ საქართველოს კანონში შევიდა ცვლილებები, რომლებიც სპეციალური მომხსენებლის კრიტიკის საფუძველი იყო; გაუმჯობესდა საარჩევნო გარემოც, განსაკუთრებით აღსანიშნავია საკონსტიტუციო სასამართლოს გადწყვეტილება მაჟორიტარული ოლქების ხელახლა გადანაწილებასთან დაკავშირებით. თუმცა, მიმაჩნია, რომ საარჩევნო ოლქების ფორმირების ახალი წესი არ ითვალისწინებს ადგილობრივი მოსახლეობის ინტერესებსა და ბუნებრივად ჩამოყალიბებულ გეოგრაფიულ არეალებს; ჯერ კიდევ მოუგვარებელია გენდერული თანასწორობის საკითხები, დასახვეწია კვოტების სისტემა.



დასახვეწია „შეკრებებისა და მანიფესტაციების“ შესახებ საქართველოს კანონი. კერძოდ, კანონი

კვლავ არ ითვალისწინებს სპონტანური აქციების გამართვის შესაძლებლობას; შეკრების უფლება სრულად შეზღუდული აქვთ სამხედრო ძალებისა და შინაგან საქმეთა სამინისტროს შემადგენლობაში მყოფ პირებს. მაინა კიამ დადებითად შეაფასა ადმინისტრაციული პატიმრობის 90 დღიანი ვადის შემცირება 15 დღემდე, თუმცა, ურჩია საქართველოს ხელისუფლებას გააუქმოს ადმინისტრაციული პატიმრობა შეკრებისა და გაერთიანების თავისუფლების უფლების გამოყენების შემთხვევებში.

იორგენ იოჰანსენი **სახალხო დამცველის ადამიანის უფლებათა აკადემიის ფარგლებში ჟურნალისტებისთვის** გამართულ ტრენინგს გაუძღვა. კონფლიქტების, უსაფრთხოებისა და ადამიანის უფლებების თემატიკაზე მომუშავე ჟურნალისტებთან ექსპერტმა ისაუბრა კონფლიქტურ და პოსტ-კონფლიქტურ სიტუაციებში ადამიანის უფლებების დაცვაზე, როგორც კონფლიქტების ტრანსფორმაციის ეფექტურ მექანიზმზე, მედიის როლზე კონფლიქტების მოგვარებასა და ადამიანის უფლებების დაცვის საქმეში.

აპრილში მოწვევის ნერილი გავუგზავნე **გაეროს სპეციალურ მომხსენებელს სათანადო საცხოვრებლის უფლების შესახებ ქალბატონ ლეილა ფაჰრას**. უსახლკარო პირების უფლებრივი მდგომარეობის დაცვის კუთხით სახელმწიფოში სისტემური პრობლემები გვაქვს. კერძოდ, ჯერ კიდევ არ არის შემუშავებული უსახლკარობის დასაძლევად საჭირო სტრატეგია და სამოქმედო გეგმა; არ არსებობს უსახლკარო პირების შესახებ მონაცემთა ბაზები, ეროვნულ დონეზე არსებული უსახლკარო პირის დეფინიცია არ ფარავს საერთაშორისო სტანდარტების მიხედვით, სათანადო საცხოვრებლის უფლების ფარგლებში გათვალისწინებულ სუბიექტებს.

ვიმედოვნებ, რომ გაეროს სპეციალურ მომხსენებელთან წარმატებული თანამშრომლობისა და ვიზიტის შემთხვევაში, მთავრობისა და სხვა პასუხისმგებელი მხარეების რეაგირების ღონისძიებები უფრო ეფექტური გახდება და ქვეყნის მასშტაბით უსახლკაროთა მდგომარეობა გაუმჯობესდება.

აპრილში საქართველოს **საკონსტიტუციო სასამართლომ დააკმაყოფილა ჩვენი სარჩელი** ე.წ. „მოსმენებთან“ დაკავშირებით და მიიჩნია, რომ სახელმწიფო უსაფრთხოების სამსახურის მიერ პირადი ხასიათის ინფორმაციის მოპოვების ტექნიკური შესაძლებლობის ფლობა, ადმინისტრირება და მასზე პირდაპირი წვდომის შესაძლებლობა, ინდივიდის პირადი ცხოვრების უფლებაში ჩარევის მომეტებულ რისკებს შეიცავს, ამავდროულად, არაკონსტიტუციურია კანონის ჩანაწერი მაიდენტიფიცირებელი მონაცემების 2

ნლის ვადით კოპირებისა და შენახვის შესახებ.

აპრილში საზოგადოებრივი მაუწყებლის სამეურვეო საბჭოს კანდიდატად ირინა ფუტკარაძე წარვადგინე, რომელმაც ჩემი აზრით, საზოგადოებრივი მაუწყებლის განვითარების საინტერესო, რეალისტური და შედეგებზე ორიენტირებული სამოქმედო გეგმა წარმოადგინა.

გადახედეთ ქვემოთ წარმოდგენილ საინფორმაციო ბიულეტენს, სადაც კიდევ უამრავ საინტერესო და მნიშვნელოვან ინფორმაციას იხილავთ.

2. სახალხო დამცველის საჯარო განცხადება

2.1. განცხადება თელავის დროებითი მოთავსების იზოლატორში დაკავებულის გარდაცვალების შესახებ

აპრილში საქართველოს სახალხო დამცველისთვის ცნობილი გახდა 14 მარტს დაკავებული ბ.თ.-ს 15 მარტს თელავის დროებითი მოთავსების იზოლატორში გარდაცვალების შესახებ.

თელავის დროებითი მოთავსების იზოლატორში მყოფი ბ.თ. 15 მარტს, დილით შეუძლოდ გახდა. იზოლატორის თანამშრომლებმა გამოიძახეს სასწრაფო სამედიცინო დახმარება, რომელთაც დაკავებულმა განუცხადა, რომ იმყოფებოდა ნარკოლოგიურ აღრიცხვაზე მეტადონით ჩანაცვლების პროგრამაში. ამის შესახებ დაუყოვნებლივ აცნობეს გამომძიებელს. ბ.თ.-სთან ერთად იზოლატორში მყოფი პირის განმარტებით, დაკავებული სასწრაფო სამედიცინო დახმარების წასვლის შემდგომაც ითხოვდა შველას, თუმცა ექიმი აღარავის გამოუძახია. ბ.თ აღმკვეთი ღონისძიების შერჩევის მიზნით სასამართლოში გადაყვანამდე, იზოლატორის დერეფანში გარდაიცვალა.

სახალხო დამცველმა მოუწოდა გამოძიებას არ დატოვოს პასუხგაუცემელი კითხვები არც ბ.თ.-ს გარდაცვალებასთან და არც პოლიციის თანამშრომლების შესაძლო არასათანადო რეაგირებასთან დაკავშირებით. სადავოა ასევე, სისხლის სამართლის საქმეზე გამოძიების თვითმკვლელობამდე მიყვანის მუხლით დაწყება.

დამატებით უნდა აღინიშნოს, რომ 19 აპრილს, საქმის შესწავლის მიზნით, სახალხო დამცველის წარმომადგენელმა, კანონის თანახმად, ბ.თ.-ს პირად საქმეში არსებული დოკუმენტების ასლები მოითხოვა. იზოლატორის ხელმძღვანელობა რამდენიმე საათი არკვევდა დოკუმენტაციის გაცემის საკითხს. საბოლოოდ, სახალხო დამცველის რწმუნებულს მოთხოვნილი ასლები გადაეცა, თუმცა, პოლიციის თანამშრომლების უკანონო ქმედების გამო, მისი საქმიანობა შეფერხდა.

2.2. განცხადება სამაუწყებლო სივრცეში არსებული სტიგმის, დისკრიმინაციის შემსვლილი და ჰომოფობიური დამოკიდებულების თაობაზე

20 აპრილს სახალხო დამცველი გამოეხმაურა ტელეკომპანია „რუსთავი 2-ის“ სატელევიზიო შოუ „პროფილის“ ირგვლივ განვითარებულ მოვლენებს და აღინიშნა, რომ მედია საშუალებები ხშირად ხდებიან სტიგმატიზაციისა და სეგრეგაციის, სიძულვილის ენის, სხვადასხვა ნიშნით დისკრიმინაციის წყარო. სატელევიზიო პროგრამების/გადაცემების ფორმატში შეინიშნება მკვეთრად გამოხატული ჰომოფობიური, დისკრიმინაციული და სექსისტური ტენდენციები. მაუწყებელმა პატივი უნდა სცეს ადამიანის ღირსებას, უფლებებსა და თავისუფლებებს და არ შეუწყოს ხელი სტერეოტიპებისა და სტიგმის გაძლიერებას. „მაუწყებელთა ქცევის კოდექსი“ სამაუწყებლო კომპანიებს აკისრებს სხვადასხვა სოციალური ჯგუფის ინტერესების გათვალისწინების ვალდებულებას. ჟურნალისტური ეთიკის ქარტიის თანახმად, ჟურნალისტმა უნდა გააცნობიეროს მედიის მიერ დისკრიმინაციის წახალისების საფრთხე და ყველა ზომას უნდა მიმართოს ამ კუთხით ნეგატიური პროცესების/შედეგების თავიდან აცილების მიზნით.

სახალხო დამცველის შეშფოთება გამოიწვია ასევე 23 აპრილს, ტელეკომპანია GDS-ის გადაცემა „ბინა 18-ში“ გასულმა სიუჟეტმა, რომელიც ჰომოფობიური განწყობების გაღვივებასა და დისკრიმინაციული ქმედებების წახალისებისკენაა მიმართული. ტელევიზიით გასული მსგავსი სიუჟეტი აშკარად უწყობს ხელს უარყოფითი სტერეოტიპული შეხედულებების გაძლიერებას ლგბტ ადამიანების მიმართ და ახალისებს სხვადასხვა სფეროში დისკრიმინაციული მოტივით მათი უფლებების შეზღუდვას.

მაღალრეიტინგულ მედია საშუალებებს განსაკუთრებით მნიშვნელოვანი სოციალური დატვირთვა და გავლენა აქვთ საზოგადოების ცნობიერების ფორმირების თვალსაზრით. სახალხო დამცველმა მოუწოდა სამაუწყებლო კომპანიებს და სხვა მედია საშუალებებს, რომ ნებისმიერი პროგრამის/გადაცემის მომზადებისა და გაშუქების პროცესში იხელმძღვანელონ მრავალფეროვნების, თანასწორობისა და ტოლერანტობის პრინციპებით.

2.3. განცხადება 2015 წლის საპარლამენტო ანგარიშში ასახულ რელიგიის თავისუფლების საკითხებთან დაკავშირებით

21 აპრილი. საპარლამენტო ანგარიშის გამოქვეყნების შემდგომ სისტემატიური ხასიათი

მიიღო რელიგიის თავისუფლების თავში ასახული პრობლემატიკისა და შეფასებების მიზანმიმართულმა დამახინჯებამ. კერძოდ, მედიაში გავრცელდა ინფორმაცია, თითქოსდა სახალხო დამცველი ბავშვების ექსკურსიაზე ტაძრებში წაყვანის აკრძალვას ითხოვს, რაც არ შეესაბამება სინამდვილეს.

საქართველოს სახალხო დამცველი ყოველწლიურ საპარლამენტო ანგარიშებში წლებია საუბრობს საჯარო სკოლებში „ზოგადი განათლების შესახებ“ საქართველოს კანონის მოთხოვნების დარღვევაზე, რაც ცალკეულ შემთხვევებში გამოიხატება საგაკვეთილო პროცესის ლოცვით დაწყებაში, არააკადემიური მიზნით სალოცავი კუთხეების მოწყობაში, სასულიერო პირების სკოლებში მოწვევასა და მათ მიერ სკოლის, საკლასო ოთახების კურთხევაში, მოსწავლეების რელიგიურ რიტუალებში ჩაბმაში, მასწავლებლების მხრიდან განსხვავებული რელიგიური აღმსარებლობის მქონე მოსწავლეებთან არათანაბარ დამოკიდებულებაში და სხვა. კანონი კრძალავს სასწავლო პროცესის რელიგიური მიზნებისათვის გამოყენებას, რელიგიური სიმბოლოების არააკადემიური მიზნით გამოფენას, რელიგიურ რიტუალებში მოსწავლეების ჩაბმასა და სხვა.

სახალხო დამცველმა საჯარო განცხადებით კიდევ ერთხელ განმარტა, რომ 2015 წლის საპარლამენტო ანგარიშში არ არის საუბარი მოსწავლეების ექსკურსიებზე, მათ შორის, ისტორიული ძეგლების, სხვადასხვა რელიგიური გაერთიანებების საკულტო ნაგებობების მოსანახულებლად წაყვანასა და არც მათი აკრძალვის საკითხზე.

სახალხო დამცველი შეზღუდული შესაძლებლობის მქონე პირთა დასაქმების მდგომარეობას საგანგაშოდ აფასებს

22 აპრილი. შეზღუდული შესაძლებლობის მქონე პირთა უფლებების დაცვის კუთხით არსებული პრობლემებიდან მნიშვნელოვან გამოწვევად რჩება შრომის უფლების რეალიზება. სსიპ სოციალური მომსახურების სააგენტოს რეგისტრაციის ერთიან ონლაინსისტემაში დარეგისტრირებულ შეზღუდული შესაძლებლობის მქონე პირთა დასაქმების მაჩვენებელი უკიდურესად დაბალია.

მიუხედავად სახელმწიფოს დეკლარირებული ნებისა – უზრუნველყოს შეზღუდული შესაძლებლობის მქონე პირთა დასაქმება და რიგი პროექტების არსებობისა, სათანადო სამართლებრივი გარანტიების, პრაქტიკული ხელშეწყობისა და აღსრულების ეფექტური მექანიზმების ნაკლებობის გამო ამ პირთა შრომის უფლების რეალიზება სათანადოდ ვერ ხერხდება.

3. სახალხო დამსველის და სახალხო დამსველის მოადგილეების შეხვედრა და საერთაშორისო ვიზიტი

3.1. სახალხო დამსველია ჟურნალისტებთან დამოუკიდებელი საგამოძიებო მექანიზმის შექმნის საკითხებზე შეხვედრა ბაზარტა

6-7 აპრილს საქართველოს სახალხო დამცველის უჩა ნანუაშვილის ინიციატივით დამოუკიდებელი საგამოძიებო მექანიზმის შექმნის საჭიროების საკითხზე ჟურნალისტებთან შეხვედრა გაიმართა. დამოუკიდებელი საგამოძიებო მექანიზმის შექმნის რეკომენდაცია სახალხო დამცველმა 2013 წელს შეიმუშავა, თუმცა მიუხედავად მისი დიდი მნიშვნელობისა, იგი ამ დრომდე შეუსრულებულია.



შეხვედრას ესწრებოდნენ დამოუკიდებელი საგამოძიებო მექანიზმის ჩამოყალიბების მხარდამჭერი ორგანიზაციების: ევროსაბჭოს, გაეროს ადამიანის უფლებათა უმაღლესი კომისარიატისა და ფონდი „ღია საზოგადოება საქართველოს“ წარმომადგენლები, ასევე, 20 ჟურნალისტი ცენტრალური და რეგიონული მედიიდან.

სახალხო დამცველმა ისაუბრა ინსტიტუციურად დამოუკიდებელი მექანიზმის შექმნის საჭიროებასა და მოდელზე; ყურადღება გაამახვილა როგორც ამჟამად მოქმედი კანონმდებლობის ხარვეზებზე, ასევე პრაქტიკის შედეგად დამკვიდრებულ დაუსჯელობის სინდრომზე. კანონპროექტზე მსჯელობისას დისკუსია წარიმართა რამდენიმე ისეთ მნიშვნელოვან საკითხზე, როგორცაა, დამოუკიდებელი საგამოძიებო მექანიზმის იურისდიქცია დანაშაულებთან და დანაშაულის ჩადენის დროსთან მიმართებაში, ბრალმდებლის უფლებამოსილების განხორციელება, დამოუკიდებელი საგამოძიებო მექანიზმის ხელმძღვანელისა და სხვა კადრების შერჩევის წესი, სამართალდამცავთა მიერ ჩადენილი დანაშაულების გამოძიების საკითხები, სხვა და სხვა ქვეყნის პრაქტიკა და მოდელები.

3.2. შეხვედრა ეუთოს ეროვნულ უმცირესობათა საკითხებში უმაღლეს კომისართან

13 აპრილს საქართველოს სახალხო დამცველის პირველი მოადგილე პაატა ბელთაძე საქართველოში ოფიციალური ვიზიტით მყოფ ეუთოს ეროვნულ უმცირესობათა საკითხებში უმაღლეს კომისარს ასტრიდ თორსს შეხვდა. პაატა ბელთაძემ სტუმარს ინფორმაცია მიაწოდა 2015 წელს ეროვნული უმცირესობების ადამიანის უფლებათა დაცვის მდგომარეობისა და სახალხო დამცველის საპარლამენტო ანგარიშში შესული რეკომენდაციების შესახებ. შეხვედრაზე განიხილეს სამოქალაქო თანასწორობისა და ინტეგრაციის სახელმწიფო სტრატეგია და 2015–2020 წლების სამოქმედო გეგმა; ასევე, გადამწყვეტილების პროცესში ეროვნულ უმცირესობათა ჩართულობის ხარისხი; მშობლიური ენის სწავლების მდგომარეობა და მედიისა და ინფორმაციის მიღების თვალსაზრისით არსებული პრობლემები; კულტურული იდენტობის შენარჩუნების საკითხები.



ისაუბრეს ანტი დისკრიმინაციული კანონმდებლობის იმპლემენტაციის პროცესში, ეროვნული უმცირესობების ნიშნით სავარაუდო დისკრიმინაციის ფაქტებზე სახალხო დამცველის აპარატში მიმდინარე და შესწავლილ საკითხებზე, მართლმსაჯულების ხელმისაწვდომობასა და ფუნდამენტური ღირებულებების დაცვაზე. სხვა საკითხებთან ერთად, განსაკუთრებული ყურადღება პანკისის ხეობაში მიმდინარე პროცესებს დაეთმო.

3.3. სახალხო დამცველი კამპანია „ეს შენ გეხებას“ წევრებს შეხვდა

13 აპრილს სახალხო დამცველი უჩა ნანუაშვილი და სახალხო დამცველის მოადგილე ნათია კაციტაძე კამპანია „ეს შენ გეხებას“ წევრებს შეხვდნენ. არასამთავრობო სექტორთან სახალხო დამცველმა სამი ძირითადი თემა – დამოუკიდებელი საგამოძიებო მექანიზმის შექმნის საჭიროება, მოსმენების შესახებ კანონში შესატანი ცვლილებები და სახელმწიფო უსაფრთხოების სამსახურის რეფორმირების საკითხები განიხილა.

შეხვედრის დასრულების შემდეგ სახალხო დამცველმა უჩა ნანუაშვილმა განაცხადა, რომ რიგ საკითხებზე სახალხო დამცველისა და არასამთავრობო სექტორის პოზიციები თანხვე-

დრაშია - მათ ერთობლივად შეიმუშავეს დამოუკიდებელი საგამოძიებო მექანიზმის შექმნის შესახებ კანონპროექტი და რომ შეხვედრის მიზანი მიმდინარე საკითხებზე ინფორმაციის გაცვლას ემსახურებოდა.

3.4. შეხვედრა ბაეროს ადამიანის უფლებების უმაღლესი კომისარის სპეციალურ მოხსენებელთან

15 აპრილს სახალხო დამცველის პირველი მოადგილე პაატა ბელთაძე და სახალხო დამცველის ბავშვის უფლებების ცენტრის ხელმძღვანელი მაია გედევანიშვილი გაეროს ადამიანის უფლებების უმაღლესი კომისარის სპეციალურ მომხსენებელს ბავშვებით ვაჭრობის, ბავშვთა პროსტიტუციისა და ბავშვთა პორნოგრაფიის საკითხებში, ქალბატონი მო დე ბო-ბუკიკიოს შეხვდნენ.

პაატა ბელთაძემ სტუმარს გააცნო სახალხო დამცველის ხედვა საქართველოში ბავშვის მიმართ ძალადობის, ბავშვებით ვაჭრობისა და ბავშვთა პროსტიტუციის საკითხებთან დაკავშირებით, ისაუბრა არსებულ გამოწვევებზე, მათ შორის ქუჩაში მცხოვრებ და მომუშავე ბავშვებზე; აღნიშნა, რომ საკანონმდებლო და ადმინისტრაციულ დახვეწას საჭიროებს ასევე შვილად აყვანის წესი, რომლის მიხედვითაც, შვილად აყვანის მსურველი წლების მანძილზე ელის თავის რიგს.

მაია გედევანიშვილმა ისაუბრა მიუსაფარ ბავშვთა თავშესაფრით უზრუნველყოფის ქვეპროგრამის და მის ფარგლებში მოქმედი დღის ცენტრების, კრიზისული ინტერვენციის თავშესაფრებისა და ტრანზიტული ცენტრების, აგრეთვე, ქვეპროგრამის ფარგლებში ფუნქციონირებადი მობილური ჯგუფების შესახებ, რომლებიც ქუჩაში მუშაობენ ბავშვებთან; ასევე ბავშვთა პროსტიტუციის სავარაუდო ფაქტების იდენტიფიკაციის შემთხვევებზე.

მიღებულ ინფორმაციას სპეცილური მომხსენებელი თავის ანგარიშში გაითვალისწინებს, რაც კიდევ მეტ სტიმულს მისცემს სახელმწიფოს გააძლიეროს ბავშვის მიმართ ჩადენილი ყველა სახის არასათანადო მოპყრობის, ტრეფიკინგის, პროსტიტუციისა და პორნოგრაფიის შემთხვევათა გამოვლენა და მათზე სათანადო რეაგირება.

3.5. საქართველო-ევროკავშირის ადამიანის უფლებათა შესახებ დიალოგის მეხსრე შეხვედრა

20 აპრილს, ბელგიის დედაქალაქ ბრიუსელში, საქართველოს სახალხო დამცველის მოადგილე ნათია კაციტაძე ადამიანის უფლებათა დაცვის საკითხებზე საქართველო-ევროკავშირის დიალოგის რიგით მეცხრე შეხვედრას დაესწრო და

მოსხენება გააკეთა საქართველოში ადამიანის უფლებათა კუთხით არსებულ მდგომარეობაზე, მნიშვნელოვან რეფორმებზე, მათ შორის, პენიტენციურ სისტემაში სამედიცინო მომსახურების გაუმჯობესებისა და სუიციდის პრევენციის პროგრამის დანერგვაზე, არასრულწლოვანთა მართლმსაჯულების ახალ კოდექსზე, შეკრებისა და გაერთიანების, ასევე გამონატვისა და სიტყვის თავისუფლების გაუმართლებელი შეზღუდვის ფაქტების შემცირებაზე.

ნათია კაციტაძემ დეტალურად ისაუბრა დისკრიმინაციის ყველა ფორმის აღმოფხვრის შესახებ კანონის იმპლემენტაციის პროცესზე; სახალხო დამცველის აპარატის მიერ შესწავლილი საქმეების რაოდენობასა და შინაარსზე. ყურადღება გაამახვილა წამების, არაადამიანური და ღირსების შემლახავი მოპყრობის ფაქტების, ასევე, სიძულვილით მოტივირებული დანაშაულების დოკუმენტირებასა და გამოძიებაზე, ვიდრე ჩანანერებთან დაკავშირებულ დარღვევებზე, მართლმსაჯულების სისტემაში არსებულ ხარვეზებზე, ე.წ. „ოდეერების“ არსებობის საკითხზე, ოკუპირებულ ტერიტორიაზე მცხოვრები მოსახლეობის უფლებების დარღვევის, მათ შორის გალის რაიონში მშობლიურ ენაზე განათლების უფლების შეზღუდვაზე.

ევროკომისიის წარმომადგენლებმა ხაზი გაუსვეს საქართველოს სახალხო დამცველის რეკომენდაციების მნიშვნელობას შრომის ინსპექციისა და დამოუკიდებელი საგამოძიებო მექანიზმის შექმნის შესახებ.

3.6. სახალხო დამსველი ბარსელონაში ომბუდსმენთა საერთაშორისო ინსტიტუტის ორბანიზებით გამართულ სემინარს დაესწრო

26-27 აპრილს კატალონიის ომბუდსმენის რაფერლ რიბოს მოწვევით, საქართველოს სახალხო დამცველი უჩა ნანუაშვილი ბარსელონაში გამართულ საერთაშორისო სემინარს დაესწრო, სადაც მსოფლიოს სხვადასხვა ქვეყნების ომბუდსმენებმა ადამიანის უფლებათა წინაშე არსებულ თანამედროვე გამოწვევებსა და საფრთხეებზე ისაუბრეს.

სემინარზე განიხილეს ევროპასა და დანარჩენ მსოფლიოში უსაფრთხოების მდგომარეობის შემაშფოთებელი ტენდენცია, რაც რისკის ქვეშ აყენებს ადამიანის ფუნდამენტურ უფლებებს, როგორცაა გამონატვის თავისუფლება და პირადი ცხოვრების ხელშეუხებლობა. ასევე ისაუბრეს ლტოლვილთა კრიზისა და მისგან გამომწვეულ ეკონომიკური პრობლემებზე, რასიზმისა და ქსენოფობიის საფრთხეებზე.

4. სახალხო დამსველის რეკომენდაციები და წინადადებები სახალხო დამცველის უფლებისა და აღბილობრივი თვითმმართველობის ორბანოებს

4.1. რეკომენდაცია არასრულწლოვან პატიმართა დახურული ტიპის საყროზილავებში გადაყვანის მართლზომიერების შესახებ

13 აპრილს სახალხო დამცველმა რეკომენდაციით მიმართა სასჯელაღსრულებისა და პრობაციის მინისტრს მსჯავრდებული არასრულწლოვნების არასრულწლოვანთა N11 სარეაბილიტაციო დაწესებულებიდან პატიმრობისა და თავისუფლების აღკვეთის N8 და N2 პენიტენციურ დაწესებულებებში დროებით გადაყვანის მართლზომიერების შესახებ.

მონიტორინგის შედეგად გაირკვა, რომ არასრულწლოვანი პატიმრები სარეაბილიტაციო დაწესებულებიდან, გაცხადებული მიზეზისა და დისციპლინური სახდელის გამოყენების გარეშე გადაყავთ სასჯელაღსრულების დახურული ტიპის თავისუფლების აღკვეთის დაწესებულებებში.

არასრულწლოვნის მიმართ პატიმრობა, როგორც საერთაშორისო, ასევე შიდა კანონმდებლობის მიხედვით უნდა გამოიყენებოდეს მხოლოდ უკიდურეს შემთხვევაში. არასრულწლოვნებმა სასჯელი უნდა მოიხადონ არასრულწლოვანთა სარეაბილიტაციო დაწესებულებაში; არასრულწლოვნის საუკეთესო ინტერესებიდან გამომდინარე, არ უნდა ხდებოდეს მისი გადაყვანა დახურული ტიპის თავისუფლების აღკვეთის დაწესებულებებში განუსაზღვრელი ვადითა და დასაბუთების გარეშე, რათა არ შეფერხდეს რეაბილიტაციის პროცესი.

4.2. უკანონო დაკავების ფაქტებზე გამოძიების დაწყების წინადადებები საქართველოს მთავარ პროკურორს

15 და 18 აპრილს საქართველოს სახალხო დამცველმა უკანონო დაკავების ფაქტებზე გამოძიების დაწყების წინადადებებით მიმართა საქართველოს მთავარ პროკურორს.

სახალხო დამცველმა შეისწავლა ორი შემთხვევა, სადაც შინაგან საქმეთა სამინისტროს თანამშრომლებმა მოქალაქეები ადმინისტრაციული წესით დააკავეს და დროებითი მოთავსების იზოლატორში შეასახლეს. იზოლატორიდან კი დაკავებულები სასამართლოში წარადგინეს და

მხოლოდ სასამართლო დარბაზიდან გაათავისუფლეს.

დაკავებისა და სასამართლო სხდომის ოქმების მიხედვით, ერთ შემთხვევაში მოქალაქე ადმინისტრაციული წესით 20 საათის და 25 წუთის განმავლობაში იყო დაკავებული, მეორე შემთხვევაში 19 საათის და 17 წუთის განმავლობაში; მაშინ როცა, ორივე შემთხვევაში, დაკავებულები უნდა გაეთავისუფლებინათ საქართველოს ადმინისტრაციულ სამართალდარღვევათა კოდექსის 247-ე მუხლის პირველი ნაწილით განსაზღვრული ადმინისტრაციული დაკავების 12-საათიანი ვადის გასვლისთანავე.

4.3. რეკომენდაცია ხაშურის მუნიციპალიტეტს

21 აპრილს საქართველოს სახალხო დამცველმა მოქალაქე მ.ბ.-ს დარღვეული უფლებების აღდგენის მიზნით ხაშურის მუნიციპალიტეტის საკონკურსო-საატესტაციო კომისიასა და ხაშურის მუნიციპალიტეტის გამგებელს რეკომენდაციით მიმართა.

ხაშურის მუნიციპალიტეტის გამგეობის ერთ-ერთი განყოფილების სპეციალისტი მ.ბ. სამსახურიდან ხაშურის მუნიციპალიტეტის გამგებლის ბრძანების საფუძველზე გაათავისუფლეს. ბრძანებას საფუძვლად დაედო საკონკურსო-საატესტაციო კომისიის დასკვნა, რომლის თანახმადაც მ.ბ. არ შეესაბამებოდა დაკავებულ თანამდებობას.

საქმის შესწავლისას დადგინდა, რომ არ არსებობს ოქმი, სადაც ასახულია შეკითხვები და კანდიდატის პასუხები, არ შეიცავს არანაირ დასაბუთებას, თუ რატომ მიიღო კომისიამ თანამშრომლის გათავისუფლების გადაწყვეტილება; არც გამგებლის ბრძანება შეიცავს რაიმე დამატებით დასაბუთებას.

სახალხო დამცველმა მიიჩნია, რომ როგორც საკონკურსო-საატესტაციო კომისიის, ისე ხაშურის მუნიციპალიტეტის გამგებლის გადაწყვეტილებები მიღებულია მოქმედი კანონმდებლობისა და კანონქვემდებარე ნორმატიული აქტების მოთხოვნათა დარღვევით, რითაც ილახება მ.ბ.-ს შრომის უფლება.

4.4. არასათანადო მოპყრობის ფაქტზე გამოძიების დაწყების წინადადება საქართველოს მთავარ პროკურორს

27 აპრილს საქართველოს სახალხო დამცველმა მოქალაქე გ.ა.-ს მიმართ პოლიციის თანამშრომელთა მიერ განხორციელებული შესაძლო არასათანადო მოპყრობის ფაქტზე გამოძიების

დაწყების წინადადებით მიმართა საქართველოს მთავარ პროკურორს.

მოქალაქის განმარტებით, იგი 25 აპრილს თბილისში, საკუთარ საცხოვრებელ სახლში დააკავეს საქართველოს შსს საპატრულო პოლიციის თანამშრომლებმა, დაადეს ხელბორკილები და ჩასვეს პოლიციელთა ავტომანქანაში. გ.ა.-ს განცხადებით, პოლიციელებმა მას ფიზიკური და სიტყვიერ შეურაცხყოფა მიაყენეს როგორც დაკავებისას, ასევე დაკავების შემდგომ. ამასთან, მას და მის ოჯახის წევრებს გაუპატიურებით დაემუქრნენ.

თბილისისა და მცხეთა-მთიანეთის დროებითი მოთავსების იზოლატორში შედგენილი გარეგნული დათვალიერებისა და საქართველოს სახალხო დამცველის რწმუნებულთან გასაუბრებისას შედგენილი ოქმების მიხედვით, გ.ა.-ს სხეულის დაზიანებები აღენიშნება.

5. სახალხო დამცველისა და სახალხო დამცველის აპარატის საქმიანობა

5.1. რელიგიათა საბჭოს სამუშაო შეხვედრა

13 აპრილს საქართველოს პარლამენტის ეროვნულ ბიბლიოთეკაში გაიმართა სახალხო დამცველთან არსებული რელიგიათა საბჭოს სამუშაო შეხვედრა სახელმწიფო უწყებებისადმი წარსადგენი რეკომენდაციების შემუშავების თაობაზე.

შეხვედრას ესწრებოდნენ სახალხო დამცველის მოადგილე ნათია კაციტაძე, სამოქალაქო, პოლიტიკური, ეკონომიკური, სოციალური და კულტურული უფლებების დაცვის დეპარტამენტის თავჯდომარე თათული თოდუა და სახალხო დამცველთან არსებული ტოლერანტობის ცენტრის წარმომადგენლები.



შეხვედრაზე რელიგიათა საბჭოს წევრებმა, დარგის ექსპერტებთან ერთად, განიხილეს რეკომენდაციების პაკეტი, რომელიც ისეთ პრობლემატურ საკითხებს შეეხება, როგორიცაა: შეუწყნარებლობით მოტივირებული ძალადობის არაეფექტური გამოძიება, არაეფექტური ანტიდისკრიმინაციული პოლიტიკა, საგადასახადო უთანასწორობა, ტოლერანტობის კულტურის დაბალი ხარისხი

განათლების სისტემაში, საკულტო ნაგებობების დაბრუნებისა და მოვლა-პატრონობის საკითხი, მშენებლობის ნებართვასთან დაკავშირებული ბარიერები და მედიასთან დაკავშირებული საკითხები.

5.2. სასამართლო მეგობრის (AMICUS CURIAE) მოსაზრება თბილისის საქალაქო სასამართლოს

13 აპრილს საქართველოს სახალხო დამცველმა თბილისის ტერიტორიაზე შეზღუდული შესაძლებლობის მქონე პირთა მიერ პარკირების სპეციალური სადგომებით სარგებლობის შესახებ საქმის განმხილველ სასამართლოს წარუდგინა სასამართლოს მეგობრის მოსაზრება.

თბილისის ტერიტორიაზე შეზღუდული შესაძლებლობის მქონე პირთა მიერ პარკირების სპეციალური სადგომებით სარგებლობაში დისკრიმინაციული ხელშეშლა არაპროპორციულად აფერხებს იმ შეზღუდული შესაძლებლობის მქონე პირთა დამოუკიდებელი ცხოვრებისა და თავისუფალი განვითარების უფლებას, რომელთაც საკუთრებაში არ ჰყვავთ ავტოსატრანსპორტო საშუალება.

ვინაიდან, სასარჩელო მოთხოვნა უკავშირდება შშმ პირთა საჭიროებებს, სასამართლოს მიერ გაკეთებულ განმარტებას შეუძლია მნიშვნელოვანი როლი შეასრულოს ერთგვაროვანი პრაქტიკის ჩამოყალიბების პროცესში და შშმ პირთა მიზნებსა და საჭიროებებზე ორიენტირებული ნორმატიული ბაზის შექმნაში. სახალხო დამცველმა შეისწავლა და სასამართლო მეგობრის მოსაზრებაში ასახა ამ მიმართულებით სხვა ქვეყნებში მოქმედი რეგულაციები და დამკვიდრებული პრაქტიკა, მათ შორის: ავსტრალიაში, ბელგიაში, დანიაში, ესტონეთში, ირლანდიაში, საფრანგეთში, გერმანიაში, ლიტვაში, ნიდერლანდების სამეფოში და სხვა.

5.3. მიგრანტთა დაბრუნების ერთობლივი ოპერაციის მონიტორინგი

15 აპრილს საქართველოს სახალხო დამცველის აპარატის პრევენციის და მონიტორინგის დეპარტამენტის თანამშრომლებმა მეოთხედ აწარმოეს ევროკავშირის ქვეყნებში კანონიერი საფუძვლის გარეშე მყოფი საქართველოს მოქალაქეების დაბრუნების ერთობლივი ოპერაციის მონიტორინგი.

პრევენციისა და მონიტორინგის დეპარტამენტის თანამშრომლები გერმანიის ქალაქ დიუსელდორფისა და საბერძნეთის დედაქალაქ ათენის აეროპორტებში დაესწრნენ გერმანიიდან და საბერძნეთიდან საქართველოს 25 მოქალაქის დაბრუნების პროცესს.

დასაბრუნებელი პირების მობილური ტელეფონები ბარგთან ერთად დაილუქა და მხოლოდ სახალხო დამცველის წარმომადგენლების ძალისხმევით შესძლეს ოჯახებთან ტელეფონით დაკავშირება. მგზავრობამ მშვიდ გარემოში ჩაიარა.

5.4. სახალხო დამსველთან არსებული საენციკლოპედიური კრედიტის განახლებულ ვებ-გვერდზე ტრენინგი ჩატარდა

15-17 აპრილს სპეციალური პრევენციული ჯგუფის წევრებს, ევროკავშირის პროექტის „სახალხო დამცველის მხარდაჭერა II“ ფარგლებში, პრევენციის ეროვნული მექანიზმის სამუშაო მეთოდოლოგიასთან დაკავშირებით ტრენინგი ჩატარდა. ტრენინგის მიზანს სპეციალური პრევენციული ჯგუფის წევრების პროფესიული უნარ-ჩვევების ამაღლება წარმოადგენდა.

ტრენინგს გაეროს წამების პრევენციის ქვეკომიტეტის წევრი არმან დანიელიანი უძღვებოდა. ტრენინგზე წარმოდგენილი იყო წამების პრევენციის კუთხით არსებული საერთაშორისო სტანდარტები; გაიმართა დისკუსია სპეციალური პრევენციული ჯგუფის მიერ დახურული ტიპის დანესებულებების მონიტორინგის ორგანიზაციულ ასპექტებსა და ანგარიშგების საკითხებზე. განსაკუთრებული ყურადღება გამახვილდა ინტერვიუს ტექნიკაზე. მიმოიხილეს ანგარიშის სახეები და სტანდარტული სტრუქტურა. ტრენინგის განმავლობაში არაერთი პრაქტიკული სავარჯიშო გაკეთდა.

5.5. საქართველოს სახალხო დამსველის წარმომადგენლებმა ბრალდებული მოინახულეს

19 აპრილს საქართველოს სახალხო დამცველის წარმომადგენლებმა №8 პენიტენციურ დაწესებულებაში საერთაშორისო დაცვით მოსარგებლე პირზე თავდასხმაში ბრალდებული ს.წ. მოინახულეს. ს.წ.-მ (ინტერნეტმეტსახელით სპლიყვი) „თბილისის ფორუმზე“ გახსნა ერთ-ერთი თემა, რომლის მიხედვითაც, ის თითქოსდა ამზადებდა თავდასხმას საქართველოში აშშ-ს ელჩზე. **15 აპრილს** თბილისის საქალაქო სასამართლომ პროკურატურის მოთხოვნის საფუძველზე მას აღმკვეთი ღონისძიების სახით ორთვიანი წინასწარი პატიმრობა შეუფარდა.

ბრალდებული მისთვის ნაყენებულ ბრალს არ აღიარებს. ამასთან, დანესებულების ადმინისტრაციის მისამართით რაიმე პრეტენზია არ გამოუხატავს. სახალხო დამცველმა საქმის შესწავლა საკუთარი ინიციატივით დაიწყო.

5.6. შშმ პირთა უფლებების კონვენციის კოპულარიზაციის, დაცვისა და იმპლემენტაციის მონიტორინგის საკონსულტაციო საბჭოს შეხვედრა

22 აპრილს საქართველოს სახალხო დამცველთან არსებული შეზღუდული შესაძლებლობის მქონე პირთა უფლებების კონვენციის პოპულარიზაციის, დაცვისა და იმპლემენტაციის მონიტორინგის საკონსულტაციო საბჭოს მორიგი სამუშაო შეხვედრა გაიმართა. შეხვედრას ესწრებოდნენ საქართველოს სახალხო დამცველი უჩა ნანუაშვილი, სახალხო დამცველის პირველი მოადგილე პაატა ბელთაძე და საბჭოს მონვეული წევრები.



საბჭომ განიხილა შეზღუდული შესაძლებლობის მქონე პირთა უფლებების კონვენციის პოპულარიზაციის, დაცვისა და იმპლემენტაციის მონიტორინგის მიზნით დაგეგმილი და განხორციელებული ღონისძიებები, შეზღუდული შესაძლებლობის მქონე პირთა უფლებების კონვენციის იმპლემენტაციის შესახებ სახელმწიფოს პირველადი ანგარიში. იმსჯელა შშმ პირთა უფლებების კონვენციის იმპლემენტაციის მონიტორინგის მეთოდოლოგიის გამოყენების გეგმასა და საკონსულტაციო საბჭოს წევრების მიერ შშმ პირთა უფლებების კონვენციის იმპლემენტაციის თაობაზე სხვა ალტერნატიული ანგარიშების მომზადების პროცესში მონაწილეობაზე.

5.7. სასამართლოს მეგობრის მოსაზრება გენდერული ნიშნით დისკრიმინაციის სავარაუდო ფაქტთან დაკავშირებით

22 აპრილს სახალხო დამცველმა სასამართლოს მეგობრის მოსაზრებით (Amicus Curiae) მიმართა ქუთაისის სააპელაციო სასამართლოს შრომით წინასახელშეკრულებო ურთიერთობებში გენდერული ნიშნით დისკრიმინაციის სავარაუდო ფაქტთან დაკავშირებით.

ქალბატონმა ნ.გ-მ მონაწილეობა მიიღო ზესტაფონის მუნიციპალიტეტის გამგეობის მიერ ერთ-ერთ ადმინისტრაციულ ერთეულში გამგებლის წარმომადგენლის ვაკანტურ პოზიციაზე გამოცხადებულ კონკურსში, წარმატებით გაიარა კონკურსის სამივე ეტაპი და კომისიის მხრიდან სქესის ნიშნით დისკრიმინაციული მოტივით ვერ მიიღო დადებითი შეფასება.

სასამართლო განხილვის ეტაპზე, თავის ჩვენებაში კომისიის ერთ-ერთმა წევრმა აღნიშნა, რომ შესასრულებელი საქმის სირთულისა და სპეციფიკის გათვალისწინებით, ადმინისტრაციულ ერთეულში გამგებლის წარმომადგენლის საქმიანობა მამაკაცისთვის შესაფერისად მიაჩნია.

ზესტაფონის რაიონულმა სასამართლომ ნ.გ-ს სარჩელი არ დააკმაყოფილა, რაც მოსარჩელემ სააპელაციო წესით გაასაჩივრა ქუთაისის სააპელაციო სასამართლოში.

სასამართლოს მეგობრის მოსაზრებაში სახალხო დამცველმა მიუთითა, რომ სამუშაოს არსის გათვალისწინებით, მოთხოვნა ორიენტირებული უნდა იყოს სამუშაოს სპეციფიურ ელემენტზე და არ იწვევდეს პირთა ჯგუფის სქესის ან სხვა ნიშნით ავტომატურ გამოორიცილებას; ამასთან, დისკრიმინაციის ფაქტის დადგენისას, თანასწორუფლებიანობის დარღვევის საპირიწონე არგუმენტად ვერ განიხილება დისკრეციული უფლებამოსილების ფარგლებში საკონკურსო-საატესტაციო კომისიის მიერ მიღებული გადაწყვეტილება, ვინაიდან დისკრეციული უფლებამოსილების განხორციელება თავის თავში მოიაზრებს დისკრიმინაციული მოტივებისგან სრულიად თავისუფალი გადაწყვეტილების მიღებას.

5.8. ბოშების დღევანდელი საქარტველოში

26 აპრილს საქართველოს ეროვნულ ბიბლიოთეკაში სახალხო დამცველთან არსებული ტოლერანტობის ცენტრის ორგანიზებით გაიმართა სამუშაო შეხვედრა „ბოშების დღევანდელი საქართველოში“.

„მნიშვნელოვანია, ევროპული ქვეყნების გამოცდილების გაზიარებით, ხელი შევუწყოთ ქსელურ ინიციატივებს, რომელიც გაზრდის ბოშათა თემის ხელმისაწვდომობას განათლებაზე, ჯანდაცვისა და სოციალური დაცვის სისტემებზე, დასაქმებაზე; ეს ინიციატივები კოორდინირებული უნდა იყოს და, პირველ რიგში, ხელს უწყობდეს ბოშათა თემის ინფორმირებას თავიანთი უფლებების შესახებ“ - განაცხადა სახალხო დამცველის პირველმა მოადგილემ პაატა ბელთაძემ ღონისძიების გახსნაზე.

მონაწილეებმა ისაუბრეს ბოშების უფლებების დაცვისა და ინტეგრაციის პრობლემატიკაზე, ბოშა ბავშვების საგანმანათლებლო სისტემაში ჩართულობის წარმატებულ და წარუმატებელ მაგალითებზე, საქართველოში ბოშა ქალთა უფლებების მდგომარეობაზე. სახალხო დამცველთან არსებული ეროვნულ უმცირესობათა საბჭოს აღმასრულებელმა მდივანმა იზაბელა ოსიპოვამ ბოშათა მდგომარეობის გაუმჯობესების მიზნით

სახელმწიფო უწყებების მიმართ გაგზავნილი საქართველოს სახალხო დამცველის რეკომენდაციები წარმოადგინა.

რეგიონული დეპარტამენტის საქმიანობა

5.9. სახალხო დამცველის წარმომადგენლების შეხვედრა ქვემო ქართლში

31 მარტს და 6 აპრილს, სახალხო დამცველის აპარატის ქვემო ქართლის ოფისის წარმომადგენლებმა ირმა მჭედლიძემ და მურადხან გუსეინოვმა მარნეულის მუნიციპალიტეტის სოფელ სადახლოს საზოგადოებრივ ცენტრში და თეთრინყაროს მუნიციპალიტეტის გამგეობაში შეხვედრები გამართეს. სადახლოში მიმდინარე შეხვედრას საზღვრისპირა სოფლის მაცხოვრებლები ესწრებოდნენ, ხოლო თეთრინყაროს გამგეობაში რეგიონული ოფისის წარმომადგენლები შეხვდნენ გამგებელს, გამგეობის სამსახურების ხელმძღვანელებს და სხვა თანამშრომლებს.



ირმა მჭედლიძემ და მურადხან გუსეინოვმა მონაწილეებს გააცნეს ქვემო ქართლის ოფისის შემადგენლობა და სახალხო დამცველის მანდატი. ისაუბრეს რეგიონში არსებულ პრობლემებზე: სოციალური დახმარების მიღების, საჯარო რეესტრში უძრავი ქონების რეგისტრაციის, საზღვრისპირა სოფლებში მიწის სავარგულებით სარგებლობის, მოქალაქეობის, ბინადრობის მიღებისა და სახალხო დამცველის როლზე აღნიშნული პრობლემების მოგვარებაში. მონაწილეებს სახალხო დამცველის აპარატის მიერ გამოცემული ბროშურები გადასცეს.

13 აპრილს სახალხო დამცველის წარმომადგენლებმა მარნეულის დემოკრატიული ჩართულობის ცენტრში გამართულ შეხვედრაზე ქვემო ქართლის ადამიანის უფლებადამცველი ორგანიზაციების, მარნეულის მუნიციპალიტეტის არასამთავრობო სექტორისა და მედიის, ასევე რეგიონის რელიგიურ და ეთნიკურ უმცირესობათა წარმომადგენლებს სახალხო დამცველის 2015 წლის ანგარიშში ასახული ის თემები გააცნო, რომლებიც ქვემო ქართლის რეგიონს ეხება.

შეხვედრაზე იმსჯელეს რეგიონში არსებულ ეთნიკურ და რელიგიურ უმცირესობათა პრობლემებზე; საზი გაუსვეს საინფორმაციო ხასიათის შეხვედრების მნიშვნელობას ეროვნული უმცირესობებით დასახლებული რეგიონის ადგილობრივ წარმომადგენლებთან იმ გამოწვევების ფონზე, როდესაც კვლავ დაბალია ეროვნული უმცირესობების მონაწილეობისა და ჩართულობის მაჩვენებელი გადანყვეტილების მიღების პროცესში.

5.10. საინფორმაციო შეხვედრა შიდა ქართლში

2 აპრილს სახალხო დამცველის შიდა ქართლის რეგიონული ოფისის წარმომადგენლებმა ხაშურის სამოქალაქო ჩართულობის განვითარების ცენტრის ბენეფიციარებთან საინფორმაციო შეხვედრა გამართეს.

შეხვედრას 18-დან 45 წლამდე სოციალურად დაუცველი ქალები ესწრებოდნენ. სახალხო დამცველის წარმომადგენლებმა შეხვედრის მონაწილეებს გააცნეს სახალხო დამცველის მანდატი და დამსწრე საზოგადოების ინტერესებიდან გამომდინარე ისაუბრეს ოჯახში ძალადობის თემაზე.

შეხვედრა გაიმართა კითხვა-პასუხის რეჟიმში. კითხვები ეხებოდა საკუთრების უფლების რეგისტრაციას, ქორწინებას, მეუღლეთა და მშობელთა უფლება-მოვალეობებს, ალიმენტის საკითხებს, მეურვეობასა და მზრუნველობას, მემკვიდრეობას და სააღსრულებო წარმოებას.

5.11. შეხვედრა რეპატრიანტ მისხებთან

5 აპრილს სახალხო დამცველის აპარატის რეგიონული დეპარტამენტის იმერეთის, რაჭა-ლეჩხუმისა და ქვემო სვანეთის სამმართველოს უფროსი მადონა ბასილაძე და სახალხო დამცველის აპარატის წარმომადგენელმა თამთა ჩეჩელაშვილი სამტრედიის მუნიციპალიტეტის სოფელ იანეთის მეცხრე უბანში დასახლებულ რეპატრიანტ მისხებს შეხვდნენ. შეხვედრაზე ისაუბრეს რეპატრიანტთა მდგომარეობაზე, ასევე ზოგადად რეგიონში არსებულ სხვადასხვა სახის პრობლემებზე, მათ შორის, გზისა და გაზმომარაგების საკითხებზე.

5.12. შეხვედრა სამეგრელო-ზემო სვანეთის რეგიონის სამოქალაქო განათლების სკოლის მსმენელებთან

6 აპრილს სახალხო დამცველის რეგიონული დეპარტამენტის სამეგრელო-ზემო სვანეთის სამმართველოს უფროსი ლევან პაპავა საქართველოს ახალგაზრდა იურისტთა ასოციაციის ზუგდიდის ოფისში სამოქალაქო განათლების საკვირაო სკო-

ლის მსმენელებს შეხვდა და ინფორმაცია მიანოდა სახალხო დამცველის უფლებამოსილების, საქმიანობის ძირითადი პრინციპების, პროცედურისა და ადამიანის უფლებათა დარღვევებზე რეაგირების მეთოდების შესახებ.

5.13. შეხვედრაში სამსხე-ჯავახეთში

6 აპრილს სახალხო დამცველის აპარატის რეგიონული დეპარტამენტის სამცხე-ჯავახეთის ოფისის წარმომადგენლები სალომე ყულჯანიშვილი და ანდრანიკ ბაღდასარიანი, ნინოწმინდის მუნიციპალიტეტის გამგებელს და სსიპ სოციალური მომსახურების სააგენტოს ნინოწმინდის განყოფილების წარმომადგენლებს შეხვდნენ და მოქალაქეებისაგან შემოსულ განცხადებებში დასმული პრობლემური საკითხები განიხილეს. მათ შორის, სოციალური მომსახურების სააგენტოს როლი ოჯახური ძალადობის ფაქტების გამოვლენისას, ადრეულ ასაკში ქორწინების შემთხვევების პრევენცია და სამომავლო თანამშრომლობა ადამიანის უფლებათა დაცვის კუთხით.

დღის ბოლოს, ნინოწმინდის მუნიციპალიტეტის სოფელ ფოკის საზოგადოებრივ ცენტრში ადგილობრივ მაცხოვრებლებს, სკოლის მოსწავლეებსა და მასწავლებლებს, სოციალურ მუშაკებს ადგილობრივი თვითმმართველობის, ადგილობრივი მედიის და ნინოწმინდის ახალგაზრდული ცენტრის წარმომადგენლებს შეხვდნენ.

სახალხო დამცველის წარმომადგენლებმა შეხვედრის მონაწილეებს მიანოდეს ინფორმაცია სახალხო დამცველის მანდატზე, განცხადების მიღების წესზე, ადამიანის უფლებებსა და სახალხო დამცველის 2016 წლის სპეციალურ ანგარიშზე, ადრეულ ასაკში ქორწინებასთან დაკავშირებით.



მონაწილეებმა აღნიშნეს, რომ ეროვნული უმცირესობებით დასახლებული რეგიონებისთვის ორმაგად მნიშვნელოვანია საინფორმაციო ხასიათის შეხვედრები და ცნობიერების ამაღლება ადამიანის უფლებებსა და მათ დაცვასთან დაკავშირებულ საკითხებზე.

5.14. სახალხო დამცველის ბავშვის უფლებების ცენტრის ხელმძღვანელისა და კახეთის ბავშვთა დაცვის კომიტეტის წევრების შეხვედრა

12 აპრილს სახალხო დამცველის აპარატის ბავშვის უფლებათა ცენტრის ხელმძღვანელი მაია გედევანიშვილი თელავში ბავშვთა დაცვის კომიტეტის წევრებს შეხვდა. ღონისძიება სახალხო დამცველის თელავის ოფისისა და ორგანიზაცია World vision-ის კახეთის სამხარეო განვითარების პროგრამის ორგანიზებით მოეწყო.



შეხვედრაზე ისაუბრეს კომიტეტის მიზნებსა და სამომავლო გეგმებზე, მათ პროფესიულ საქმიანობასა და ჩართულობაზე, ბავშვთა უფლებების მნიშვნელობაზე და რეგიონში არსებულ გამოწვევებზე.

ბავშვთა დაცვის კომიტეტის წევრები არიან რეგიონში ბავშვთა დაცვის მიმართულებით მომუშავე სამთავრობო და არასამთავრობო სტრუქტურის წარმომადგენლები, მათ შორის სახალხო დამცველის წარმომადგენელი ნათია ფიცხელაური.

5.15. საინფორმაციო შეხვედრაში იმერეთის რეგიონის მაცხოვრებლებთან

6 აპრილს სახალხო დამცველის რეგიონული დეპარტამენტის იმერეთის, რაჭა-ლეჩხუმისა და ქვემო სვანეთის სამმართველოს უფროსი მადონა ბასილაძე და სახალხო დამცველის წარმომადგენელი თამთა ჩეჩელაშვილი ვანის მუნიციპალიტეტში მცხოვრებ იძულებით გადაადგილებულ პირებს შეხვდნენ, რომლებიც დევნილთა გრძელვადიანი უზრუნველყოფის პროგრამის ფარგლებში დაკმაყოფილდნენ საცხოვრებელი ფართით. შეხვედრაზე დევნილთა უფლებებსა და მათ პრობლემებზე ისაუბრეს.

9 აპრილს სახალხო დამცველის წარმომადგენლები ცაგერის მუნიციპალიტეტის **სოფელ ქვედა აღვში** მენყრისაგან დაზარალებულ ორ ოჯახს შეხვდნენ და მათ მდგომარეობას გაეცნენ. ორივე ოჯახი საჭიროებს განსახლებას, მათი საცხოვრებელი სახლები ამორტიზებულია და საშიშია სიცოცხლისათვის.

17 აპრილს ცაგერის რაიონ **სოფელ სპათაგორში** ადგილობრივ მაცხოვრებლებთან გამართულ შეხვედრაზე სოფელის ინფრასტრუქტურული პრობლემები შეიტყვეს. სპათაგორში არ არსებობს წყალგაყვანილობის სისტემა, მოუნესრიგებელია მდინარე ლაჯანურის სანაპირო ზოლი. წინა წლებში გამოიყო თანხა ნაპირსამაგრი და წყლის სისტემების მოწესრიგების პროექტებისთვის, თუმცა პროექტი ამ დრომდე არ დასრულებულა.

5.16. შეხვედრა გურიის, ლანჩხუთის გამგებელთან

26 აპრილს საქართველოს სახალხო დამცველის საკონტაქტო პირი გურიის მაკა მალაყმაძე ლანჩხუთის მუნიციპალიტეტის გამგებელს ზაზა ურუშაძეს შეხვდა. შეხვედრაზე საუბარი შეეხო მუნიციპალიტეტში არსებულ სოციალურ პრობლემებსა და მათი მოგვარების გზებს, 2016 წლის ზამთარში, სტიქიის შედეგად მიყენებული ზიანის ანაზღაურების საკითხსა და რეგიონში არსებული დასუფთავების სამსახურის პრობლემას.

სამოქალაქო განათლების მიზნით ჩატარებული ღონისძიებები

5.17. სახალხო დამცველის ადამიანის უფლებათა აკადემიის ტრენინგი მსირა საოჯახო ტიპის ბავშვთა სახლების ფსიქოლოგებისთვის

18-22 აპრილს სახალხო დამცველის ადამიანის უფლებათა აკადემიამ შრომის, ჯანმრთელობისა და სოციალური დაცვის სამინისტროს სსიპ სოციალური მომსახურების სააგენტოს და მცირე საოჯახო ტიპის ბავშვთა სახლების 22 ფსიქოლოგს ჩაუტარა ტრენინგი ტრენერებისთვის თემაზე „ბავშვის ფსიქოლოგიური/ფსიქიატრიული საჭიროებების იდენტიფიკაციის უნარების განვითარება“.

ტრენინგს გაუძღვნენ ვილნიუსის უნივერსიტეტის ფსიქიატრიის დეპარტამენტის პროფესორი დაინიუს პიურასი, საქართველოს საზოგადოებრივი ჯანდაცვის ფონდის ფსიქოლოგი ეკატერინე თავართქილაძე და სახალხო დამცველის აპარატის ბავშვთა ცენტრის ხელმძღვანელი მია გედევანიშვილი.

ტრენინგი ნორვეგიის საგარეო საქმეთა სამინისტროს მიერ დაფინანსებული „სახალხო დამცველის ადამიანის უფლებათა აკადემიის მხარდაჭერა“ პროექტის ფარგლებში ჩატარდა.

6. წარმატებული საქმეები

6.1. საჯარო რეესტრის ეროვნულმა სააგენტომ სააგენტომ 18 აპრილის გადაწყვეტილებით სრულად გაიზიარა სახალხო დამცველის რეკომენდაცია დარღვეული უფლების აღდგენის თაობაზე და ქონების რეგისტრაციის დეპარტამენტს უძრავ ქონებაზე ნ.მ.-ს საკუთრების უფლების რეგისტრაცია დაავალა.

საჯარო რეესტრის ეროვნულმა სააგენტომ **18 აპრილის** გადაწყვეტილებით სრულად გაიზიარა სახალხო დამცველის რეკომენდაცია დარღვეული უფლების აღდგენის თაობაზე და ქონების რეგისტრაციის დეპარტამენტს უძრავ ქონებაზე ნ.მ.-ს საკუთრების უფლების რეგისტრაცია დაავალა.

ნ.მ.-მ თვითნებურად დაკავებულ მიწის ნაკვეთზე საკუთრების უფლება საკუთრების უფლების აღიარების კომისიის მიერ გაცემული საკუთრების მონუმობის საფუძველზე მოიპოვა. საჯარო რეესტრმა ნ.მ.-ს უფლების რეგისტრაციისთვის სახელმწიფოსგან თანხმობის წარმოდგენა მოსთხოვა, იმ მოტივით, რომ მიწის ნაკვეთი რეგისტრირებული იყო სახელმწიფოს საკუთრებაში.

სახალხო დამცველმა თავის რეკომენდაციამი მიუთითა, რომ კომისიის მიერ გაცემული მონუმობა წარმოადგენს საკუთრების უფლების დამადასტურებელ დოკუმენტს, რომლის საფუძველზეც საჯარო რეესტრის ეროვნული სააგენტო ვალდებულია სახელმწიფოსგან დამატებითი თანხმობის მოთხოვნის გარეშე დაარეგისტრიროს საკუთრების უფლება.

7. ღირსშესანიშნავი თარიღები

7.1. საქართველოს სახალხო დამცველი ასურელებს ახალი წლის დღესასწაულს ულოცავს

1 აპრილს ასურელები ახალი წლის დღესასწაულს, აკიტუ-ხაბ-ნისანს აღნიშნავენ. 2016 წლის პირველ აპრილს, მათი კალენდრის მიხედვით, 6766 წელი დადგა. ამ დღეს ასურელები გაზაფხულის დადგომას, ბუნებისა და სიცოცხლის განახლებას ნაციონალური სიმღერებითა და ცეკვით აღნიშნავენ.

საქართველოს სახალხო დამცველი ბედნიერ, მშვიდობიან და კეთილდღეობით აღსავსე წელს უსურვებს საქართველოში მცხოვრებ ასურელ თემს.

7.2. საქართველოს სახალხო დამცველის განსხვავება აუტიზმის შესახებ სწოზიარების ავადღაბის მსოფლიო დღესთან დაკავშირებით

2 აპრილი აუტიზმის შესახებ ცნობიერების ამაღლების მსოფლიო დღეა. გაერთიანებული ერების ორგანიზაციის რეზოლუციის თანახმად, ეს დღე 2008 წლიდან აღინიშნება და მისი მიზანია მუდმივად მიაპყროს საზოგადოების ყურადღება აუტიზმის მქონე პირთა მხარდაჭერის საჭიროებაზე, მათი ცხოვრების ხარისხის გაუმჯობესებისა და საზოგადოებრივ ცხოვრებაში სრული და ეფექტური მონაწილეობის უზრუნველყოფის მიზნით.

2016 წელს ამ დღის თემაა „აუტიზმი და მდგრადი განვითარების მიზნების (SDG) დღის წესრიგი 2030 წლამდე: ინკლუზია და ნეირო მრავალფეროვნება“.

საქართველოში აუტიზმის მქონე პირთა უფლებების დაცვის კუთხით არსებული მდგომარეობა ძირითადად უცვლელია. დღემდე მნიშვნელოვან გამოწვევად რჩება მათი უფლებების სათანადო რეალიზება. ქვეყანაში არ არსებობს ოფიციალური სტატისტიკური მონაცემები აუტიზმის მქონე ადამიანების შესახებ, რაც პირდაპირ კავშირშია მათთვის აუცილებელი და საჭირო მომსახურების დაგეგმვასა და განხორციელებასთან. არ არსებობს სპეციფიური სასწავლო სტრატეგიები და მეთოდები; პრობლემას ქმნის პედაგოგთა დაბალი კვალიფიკაცია და არასაკმარისი რაოდენობა, რაც აფერხებს აუტიზმის მქონე ბავშვების სრულფასოვან ინკლუზიას და ხარისხიანი განათლების მიღების შესაძლებლობას, ხოლო საზოგადოებაში არსებული სტიგმა და სტერეოტიპები ხელს უწყობს არასწორი დამოკიდებულების კიდევ უფრო გაღრმავებას.

სახალხო დამცველი აუტიზმის შესახებ ცნობადობის ამაღლების მსოფლიო დღეს კვლავ მოუწოდებს სახელმწიფოს იზრუნოს აუტიზმის მქონე პირთა უფლებრივი მდგომარეობის გაუმჯობესებაზე, მათი შესაძლებლობების ზრდასა და საზოგადოების დამოკიდებულების შეცვლაზე, მათთვის სრულფასოვანი გარემოს შექმნასა და აქტიური საზოგადოებრივი მოღვაწეობის უზრუნველყოფაზე.

8. საერთაშორისო სიახლეები აღნიშნის უფლებათა დაცვის კუთხით

8.1. საქართველო „ფრიდომ ჰაუსის“ ანგარიში

12 აპრილს საერთაშორისო დამოუკიდებელმა ორგანიზაცია „ფრიდომ ჰაუსმა“, რომელიც სხვა-

დასხვა ქვეყანაში პოლიტიკური უფლებებისა და სამოქალაქო თავისუფლებების კუთხით არსებულ ვითარებას სწავლობს, თავისი ყოველწლიური, რიგით 21-ე ანგარიში გამოაქვეყნა – „სახელმწიფოები გარდამავალ ეპოქაში“. ანგარიში ასახავს დემოკრატიის განვითარებას ყოფილი საბჭოთა კავშირის, ბალკანეთისა და ცენტრალური ევროპის 29 ქვეყანაში.

ანგარიშის თანახმად, საქართველოში არსებული მმართველობა კვლავაც კლასიფიცირდება გარდამავალ მმართველობად ან ჰიბრიდულ რეჟიმად. შეფასების სისტემაში, სადაც საუკეთესო შეფასება 1 ქულაა და ყველაზე ცუდი – 7, საქართველოში დემოკრატიის მდგომარეობა წელს 4,61 ქულით შეფასდა. სხვადასხვა კრიტერიუმის შეფასებების საშუალო არითმეტიკული არის სწორედ ქვეყნის დემოკრატიის ქულა. კატეგორიაში – „გარდამავალი ხელისუფლება ან ჰიბრიდული რეჟიმი“, საქართველო მე-17 ადგილზეა მოქცეული. ამავე კატეგორიაშია უკრაინა, მოლდოვა, ბოსნია ჰერცეგოვინა, მაკედონია და ალბანეთი. აღსანიშნავია, რომ საქართველოში დემოკრატიის მაჩვენებელი წინა წლის მონაცემთან შედარებით 0,03-ით გაუმჯობესდა.

ცხრილში ქვეყნების საშუალო ქულა რამდენიმე კომპონენტზე დაყრდნობითაა გამოყვანილი. საქართველოსთვის ცალკეული კრიტერიუმები ასე გამოიყურება: საარჩევნო პროცესი - 4,5 ქულა, სამოქალაქო საზოგადოება - 3,75, მედიის დამოუკიდებლობა - 4, ქვეყნის მართვის დემოკრატიულობა - 5,5, ადგილობრივი მმართველობის დემოკრატიულობა - 5,25, სასამართლო სისტემა და მისი დამოუკიდებლობა - 4,75, კორუფციის მხრივ არსებული მდგომარეობა - 4,5 ქულა. აღსანიშნავია, რომ სასამართლო სისტემისა და მისი დამოუკიდებლობის მაჩვენებელი წინა წლის მონაცემთან შედარებით 0,25 ქულით გაუმჯობესდა.

ანგარიშის მიმოხილვით ნაწილში საქართველოს შესახებ აღნიშნულია: „მიუხედავად იმისა, რომ საქართველოში ადგილი აქვს გახმაურებული საქმეების პოლიტიზაციას, სასამართლო სისტემის ხარისხი დღითიდღე უმჯობესდებოდა, რაც იყო იმის დადებითი ნიშანი, რომ პოლარიზებულ სისტემაშიც კი, სტრუქტურულ რეფორმას შეიძლება ჰქონდეს ეფექტი. 2016 წლის საპარლამენტო არჩევნები იქნება ამ ტენდენციის მდგრადობის სერიოზული გამოცდა“.

ანგარიშში ასევე ნათქვამია, რომ მიგრაციის კრიზისი და მწვავე ეკონომიკური პრობლემები საფრთხეს უქმნის როგორც ევროპის კავშირის არსებობას, ასევე სტაბილურობას ყოფილი საბჭოთა კავშირის დიქტატორულ ქვეყნებში.

8.2. აშშ-ს სახელმწიფო დეპარტამენტის ყოველწლიური ანგარიში

14 აპრილს აშშ-ს სახელმწიფო დეპარტამენტმა მსოფლიოში ადამიანის უფლებათა მდგომარეობის შესახებ 2015 წლის ანგარიში გამოაქვეყნა, რომელშიც საქართველოზეც არის საუბარი. დოკუმენტში აღნიშნულია, რომ დამოუკიდებლობის მოპოვების შემდეგ, 2012 წელს საქართველოში ჩატარებული საპარლამენტო არჩევნების შედეგად მთავრობის გადაცემა დემოკრატიული გზით პირველად მოხდა, თუმცა, ქვეყანაში ჯერ კიდევ არის რიგი პრობლემები ადამიანის უფლებების დაცვის კუთხით.

ყველაზე მნიშვნელოვან პრობლემებს წარმოადგენს ოკუპირებულ ტერიტორიებთან ადმინისტრაციულ საზღვარზე რუსეთის, ან დე ფაქტო ძალების მიერ საქართველოს მოქალაქეების თვითნებური დაკავებები; მნიშვნელოვანი ხარვეზები მართლმსაჯულებაში, მათ შორის სასამართლოზე ზენოლა საქმეების შერჩევისას, მოსამართლეთა საეჭვო დანიშნები, ძალადობის შემთხვევებზე მთავრობის შეუსაბამო რეაგირება, დაუსრულებელი გამოძიებები, ქალების, ეთნიკური, რელიგიური და სექსუალური უმცირესობების, ასევე შეზღუდული შესაძლებლობების მქონე პირების მიმართ დისკრიმინაციის წინააღმდეგ ბრძოლისთვის მთავრობის არასაკმარისი მცდელობები.

აშშ-ს სახელმწიფო დეპარტამენტის ანგარიშში არაერთი მითითებაა სახალხო დამცველის ანგარიშებზე, რეკომენდაციებსა და აქტივობებზე. მათ შორის, **პენიტენციურ დაწესებულებებში პატიმრების მიმართ განხორციელებული სამართალდარღვევების დროული გამოძიების, მონიტორინგის დროს აღმოჩენილი პატიმრების ჯანდაცვისა და დაწესებულებებში არსებული მდგომარეობის შესახებ**, მიმართვები მთავარი პროკურატურისადმი იმ პირებისთვის საკუთრების ხელყოფის დროულ გამოძიებასთან დაკავშირებით, ვინც წინა ხელისუფლებას ადანაშაულებს.

ანგარიშის პირადი ცხოვრების უფლების ნაწილში მითითებულია, რომ სახალხო დამცველი არასამთავრობო ორგანიზაციებთან ერთად აქტიურად მოითხოვდა ცვლილებებს კანონმდებლობაში, რომელიც ფარულ მოსმენებს არეგულირებს, რათა სისხლის სამართლის საპროცესო კანონმდებლობის გვერდის ავლით არ განხორციელებულიყო ფარული საგამოძიებო მოქმედებები.

შეკრებისა და მანიფესტაციის უფლების ნაწილში მითითებულია, რომ სახალხო დამცველმა გააკრიტიკა ტელეკომპანია „რუსთავის 2-ის“ მხარდამჭერი აქტივისტების დაპატიმრება პარლამენტის შენობის წინ შეკრების დროს.

ანგარიშში მიმოხილულია სახალხო დამცველის,

როგორც **ანტიდისკრიმინაციული მექანიზმის** მიერ, დისკრიმინაციის გამოვლენის კუთხით განუხლები სამუშაო და ის პრობლემური საკითხები, რომელიც მექანიზმის ეფექტიან მუშაობას აბრკოლებს.

დოკუმენტში ასევე არაერთი მითითებაა გაკეთებული სახალხო დამცველის მიერ მომზადებულ ანგარიშებსა და რეკომენდაციებზე, რომელიც ეხება **ქუჩაში მცხოვრებ და მომუშავე ბავშვებს, ეთნიკური უმცირესობებისა და შშმ პირების უფლებრივ მდგომარეობას, გენდერული თანასწორობის კუთხით არსებულ გამოწვევებს, ლგბტ პირების მიმართ დისკრიმინაციულ მოპყრობას, ასევე ადრეული ქორწინებისა და ოჯახური ძალადობის შემთხვევებს.**

აშშ-ს სახელმწიფო დეპარტამენტის ადამიანის უფლებათა ყოველწლიური ანგარიში მზადდება აშშ-ს საელჩოებისა და საერთაშორისო მისიების მიერ მიწოდებულ მონაცემებზე დაყრდნობით და იძლევა ადამიანის უფლებების მრავალმხრივ მიმოხილვას 200-მდე ქვეყნისთვის. ანგარიშები ფართოდ გამოიყენება როგორც აშშ-ს ხელისუფლების გადაწყვეტილების მიღების პროცესში, ისე სხვა უცხოური მთავრობების, არასამთავრობო ორგანიზაციების, ადამიანის უფლებების დამცველების, იურისტების, ჟურნალისტებისა და მკვლევარების მიერ.

9. სახალხო დამსველის აპარატის ანგარიში

9.1. ახალი თანამშრომელი

14 აპრილიდან სახალხო დამცველის აპარატის თანასწორობის დეპარტამენტის უფროსის თანამდებობაზე მუშაობა დაიწყო ქეთი შუბაშვილი.

9.2. სტატისტიკა


მომართვიანობის სტატისტიკა

აპრილის თვეში სახალხო დამცველის აპარატში შემოვიდა 747 განცხადება.

დასაშვებობის გავლის შემდეგ 599 განცხადება სამსახურების მიხედვით შემდეგნაირად გადანაწილდა:

- პრევენციის და მონიტორინგის დეპარტამენტი-16
- სამოქალაქო, პოლიტიკური, ეკონომიკური, სოციალური და კულტურული უფლებების დაცვის დეპარტამენტი-56
- სს მართლმსაჯულების დეპარტამენტი-266
- რეგიონული დეპარტამენტი-185
- ბავშვის უფლებათა დაცვის ცენტრი-19
- გენდერული თანასწორობის დეპარტამენტი-16


- შპმ პირთა უფლებების დაცვის დეპარტამენტი-12
- ანალიტიკური დეპარტამენტი-5
- თანასწორობის დეპარტამენტი-23
- თავდაცვის სფეროში ადამიანის უფლებათა დაცვის დეპარტამენტი-1



შემოსული განცხადებები თემატურად შემდეგნაირად გადანაწილდა

- პირადი ცხოვრების ხელშეუხებლობა-2
- ჯანმრთელობის უფლება-4
- გამოსატვის უფლება-4
- ინფორმაციის მიღების უფლება-49
- დისკრიმინაცია-11
- რელიგიის თავისუფლება-3
- გადაადგილების თავისუფლება-2
- საერთო სასამართლოებში საქმის განხილვის გაჭიანურება-1
- სისხლის სამართლის საქმის გამოძიების გაჭიანურება-26

- ეკოლოგიურ-გარემოსდაცვითი უფლებები-6
- განათლების უფლება-1
- ხანდაზმულთა უფლებები-1
- მიგრანტთა, თავშესაფრის მაძიებელ და თავშესაფრის მქონე პირთა უფლებები-1
- რეპატრიანტთა უფლებები-1
- დევნილთა უფლებები-11
- სოციალური დახმარებს საკითხი-33
- შრომითი უფლებები-7
- საკუთრების უფლება-29
- უფლება სათანადო საცხოვრისზე-6
- პატიმრობის პირობები-209
- ნამება და არასათანადო მოპყრობა-40
- ბავშვის უფლებები-18
- გენდერული თანასწორობის და ქალთა უფლებები-12
- შეზღუდული შესაძლებლობების მქონე პირთა უფლებები-5



კონტაქტი

სხელი ხაზი - 1481

თბილისი:

ნინო რამიშვილის 6. თბილისი 0179
 ტელ.: +99532 2234499 / 2913814 / 2913815 / 2913841 / 2913842 / 2913843 / 2913875 / 2913876 / 2913877
 ფაქსი: +99532 913841
 ელ-ფოსტა: info@ombudsman.ge

ოფისები:

დავით აღმაშენებლის 9
 ტელ.: 0496 27 30 53
 მობ.: 593 44 44 27

ახალქალაქი:

ჭავჭავაძის 4
 ტელ.: 0362 22 32 83
 მობ.: 577 12 27 70;
 591 96 88 82

ზუბლილი:

კოსტავას 58
 ტელ.: 0415 22 36 11
 მობ.: 595 52 53 56

ბათუმი:

მაზნიაშვილის 9
 ტელ.: 0422 27 05 44
 მობ.: 595 80 78 43

მარნეული:

რუსთაველის 51
 ტელ.: 0357 22 19 70
 მობ.: 595 52 53 57

გორი:

სამების N1
 ტელ.: 0370 27 05 49
 მობ.: 551 66 14 77

ქუთაისი:

რუსთაველის 18
 ტელ.: 0431 25 33 50
 მობ.: 577 55 33 81

თელავი:

ჩოლოყაშვილის 3
 მობ.: 591 88 35 38
 ტელ.: 0350 27 99 27

რედაქტორი: თაინა გოგოლაშვილი
 სარედაქციო კოლეგია:
 ლევან მისხორაძე,
 ნიკო თათულაშვილი